

Ն Ա Խ Ե Ր Գ Ա Ն Ք

Երգեմ՝ բանիւ երերգելի
Վէպ հօր իմում հոգեւորի,
Սարգիս ներհուն վերատեսչի,
Աստուածաբան վարդապետի,

Ճարտարամիտ հըռետորի,
Քաղցրաբարբառ քաջախօսի,
Ատենաբան քարոզատուի,
Զունկընդրողաց սիրտս հաճողի,

Սուրբ սերմ՝ բանին սերմանողի
յՈգի և՛ ի սիրտ իւրում Ազգի,
Արգասալիւր հունձ քաղողի,
Եկեղեցւոյ անդաստանի,

Այգւոյ փրկչին ժիր մշակի,
Յապականչաց զայն պահողի,
Ըզձառս բարի անդ տածողի,
Եւ շար փրշոց բոյս խրտողի,

Ընտրելագոյն փոքու հօտի
Ըզգաստ, արթուն եւ քաջ հովուի,
Ըզմոլորեալ ոչխար գոմի
Ի սուրբ փարախ Տեառն ածողի,

Զհարեալս նետիւ Սաղայէլի
Ըստ հոգեւոր փորձ բրժշկի
Եւ յոյժ ճարտար վիրաբուժի
Ի սուրբ պանդոկ գարմանողի,

Ճշմարտութեան ջատագովի,
Սուրբ հարց շաւղաց հետեւողի,
Ծայլթս ի հաւատ շառագնողի
Ապացուցմամբ անպարտելի,